



鷄足山志卷之三

山水下

水

鷄足山源泉噴流不下百一餘咸奔爲大出界山  
而下其南面諸溪水皆繇雪陰橋合河子孔水泉  
折過拈花寺前躡象山北麓合石墓江水又東南  
流會觀音箐及賓居大王廟龍泉諸水同歸大羅  
河北行過達旦哨入金沙江金沙之下流卽孔明  
征孟獲所渡之瀘水也此水東北流注馬湖入川

江歸東海又山北百諸溪水出和光橋合佛光寨  
羅川水亦出金沙江惟西南山外諸溪水則流入  
西洱海繇大理玉龍關西流至合江舖會漾濞河  
水南折西合瀾滄江水又西南流繇順寧景東沅  
江交阯竟出南海瀾滄江卽黑水也尚書云黑水  
西河惟雍州華陽黑水惟邈州其源出南吐蕃鹿  
石山本名鹿滄江後訛爲瀾滄今人以瀾滄衛近  
金沙江遂呼金沙爲瀾滄而又譌瀾滄爲浪滄矣  
天下之水皆東流入東海惟雲南瀾滄水西南流  
入於南海嘗疑滇中必有山勢隆起界劃東西之  
處今窮考鷄足一山之水其支流匯歸遂分金沙  
江西洱海兩處狀金沙洱海相去不過二百餘里  
而兩水之歸一東北流向東海一西南流向南海  
則滇中地脉界劃東西二流之處實在於此可知  
鷄足一山繇西域雪山而來發脉崑崙自西北而  
行東南地勢獨隆爲東西最高處故一山之水東  
南分赴關係地脉政匪輕也曰附若水黑水兩江  
之考於後以俟博學者論定焉

按金沙江原名若水考之水經若水出蜀郡旄  
牛嶺外東南至故關又考旄牛嶺在麗江鹵北  
吐蕃雍州界崑崙之東南卽佛經所謂四獸口  
中流出者是也山海經曰南海之內黑水之間  
有木名若木若水出焉酈道元水經注曰若水  
南經雲南郡之遂久縣卽今金沙江北岸廵檢  
司地是也此水出吐蕃經雪山之北過麗江經  
鷄足北合繩水孫水瀘水大渡水諸水沿注通  
爲一津卽若水也東流注馬湖江諸葛征南曾  
水也

渡此水又金沙江有二在緬甸者流而南出麗  
江者流而北人多混混故樊綽又以麗水爲黑  
按瀾滄江卽黑水也此水自麗江雪山之西經  
雲龍州東南流入蒙化順寧景東沅江交阻乃  
入南海酈道元水經注漢武帝時通博南山道渡  
瀾津行者苦之歌曰漢德廣開不賓渡博南越  
蘭津渡瀾滄爲他人卽此水也黑水之說本於  
禹貢從來辨論紛紛終無確據以酈道元注水

經銳意尋討亦不能知黑水所經之處地志以爲至棘道入江其言與禹貢不合孔鄭諸儒考究不得蔡氏作傳引地志出犍爲郡南廣縣汾關山水經出張掖笄山南至燉煌過三危山南流入於南海樊綽以西南彝水南流入於南海者有四曰麗水卽黑水也酈道元又以葉榆水南流而水以榆葉所清其色深黑遂欲以當黑水狀葉榆水出浪穹縣罷谷山止在大理境內遂入南海若尚書雍梁之界皆曰黑水則黑水當自雍之西北以經於梁之南豈葉榆可當惟瀾滄之水源出吐蕃嵯和哥自西而南經雪山西至麗江蘭州入雲龍州南過永昌又南過車里大甸入於南海爲是且其肅志載其州西十里有黑河流入居延海肅州西北有黑水東流荒遠莫窮所之是其源出雍州南而流入梁州之西南其正西則流遶西極之外而不可窮蓋地勢南極最高故水徑西而西南也總之禹貢曰黑水西河惟雍州華陽黑水惟梁州又

曰禹道黑水至於三危入於南海夫隴蜀無入南海之水惟滇之瀾滄潞江二水皆繇吐蕃西北來與雍州相連並入南海但潞江西南流竟趨緬中與梁州不相陟惟瀾滄繇西北而南至交趾入於南海水內皆漢水外皆彝則禹之所導分別梁州界者其爲瀾滄江無疑也地理志謂南中山曰昆彌水曰雒山海經曰洱水西流入於雒故瀾滄江又名雒水言脈絡分明也梁雒間黑水非一狀皆枝水而流不入南海如孔

明箋所謂朝發南鄭暮宿黑水之類皆非也雲南爲西域之地前朝雖通中國封號羈縻而已至宋竟與中國絕故漢宋諸儒考辨黑水終不得其要領余自己亥避兵蒙化親見洱水西流合瀾滄及庚子春纂修山志考鷄山水勢半出金沙東流歸東海半入洱水西流入南海始知鷄足一山水分兩派則此山爲滇之岡脊地脈遙遠其與他山備在一方迥不同矣因博考方輿載志諸書及詳問土人故老爲著若水黑

水之辨以見鷄足之地勢其來脉高遠關係匪輕可知迦葉祖師之入定此山亦自有因緣未可艸艸視也

三獻水

三獻水在仰高峽中一出滴雪崖下一出兜率庵左右洞下一出真武洞右危崖萬仞怪石峻峭絕壁懸空傍無宿土而洪泉爭湧聯絡奔會汲資千鉢溉澍百區世傳迦葉尊者勅七十二龍擁護此山故飛泉灌灑無峰不潤雖孤崖峭壁亦注懸泉

迄今梵刹星布佛會佳辰香客遊人時盈數萬香積覓水鉢瓢滌濯率皆霑注盈足未嘗累汲也

曹溪水

出懸崖下在八功德水西湧注不息宋直指建庵崖間題曰曹溪精舍今屋宇傾圯惟故址存焉

八功德水

一名八德溪在曹溪水華首門之間飛崖二臨迸石而出滇志云迦葉尊者於石上卓錫成泉故涓流不竭

珠簾水

珠簾水一名萬珠簾又名四諦泉在獅子林中觀音崖之東隅翠屏石南崖危石矗起上突下嵌崖上多竹樹雜卉水從樹根石隙亂流而下崖窟若廡若榻而懸流虛幕其外展水綃於林杪掛珠溜於雲端濺注霏微令人遜自怡心不能自絕於其際

河子孔水

一名聖母泉在雪陰橋南上有大石橫偃空如張

吻澗一丈六尺高可半尋左右復有石數塊名雲鶴石大小差等撐拒支互勢甚危險諸亂石下衆水奔湧廻注斜射與山中諸水相滙奇發齊瀉東注大澗夏秋澍雨後溪水皆濁而孔水獨澄淨如故雖與諸水合流而清濁不雜世傳此水自大理西洱海透山而來故水獨別再詰其故則云昔時有人朝山在西洱海邊午餐所攜食盒落水流去其人既至山下小憇此水之傍則見原盒繇此孔中流出以爲神異知其地脉潛通於時俗呼此爲



益子孔後蒙氏得國建號大理乃封其水爲河子  
孔蓋西洱海故名洱河也

三道水

一道水在金華庵下三里許其源出自鹿寺之西  
二道水西去半里餘卽二道水也其水發源威  
音寺之榜繇西而北合一道水併入於三道水三  
道水之源發自木香坪後流出大聖寺之下自南  
而北從翔龍寺之右循崖而下三水滙合併注一  
溪清流激湍奔瀉數里總以松鶴橋下又合和光

橋水出羅川河入於金沙江



九子龍王溪

在迦葉殿東五十步此溪源最高水最濁合三獻  
諸水而下注於梅檀諸溪

鳴琴溪

在白雲寺補處庵二刹之東

梅檀溪

在寂光寺左溪窅廻曲樹石籠映衆水奔赴湍浪

激盪上有大橋名曰響雲

花石溪

在幻住庵蘭陀寺之中溪不甚大而廻曲清澹樹石蒙繞實爲幽僻

檀花溪

在木香坪檀花箐中此地舊有大青檀樹可數十圍遠近瞻異故此峰名青檀顧虎峰

黃沙溪

在華嚴寺前窈窕層折竹樹茂密衝澗噴石聲亂

鐘板上橫巨橋題曰德水

倚杖溪

在大乘庵之左上有逍遙橋大鎔和尚嘗獨行至此倚杖聽流水聲移時忘歸故有斯稱

赤蕨溪

在山後鹵北金華庵大聖寺翔龍寺諸刹之中

澗

虎跳澗

虎跳澗卽四觀峰西折下山處兩傍峭石突起倚

崖並蹲各具咆哮之勢相去丈許下臨溪澗

按滇志馴虎澗在鷄足山兩崖峙立霞圍叢集  
昔迦葉馴虎之處相傳有二虎出入故此地有  
伏虎庵

### 集流澗

在傳衣寺傍衆流匯集高下欹折乍大乍細疊注  
支流匯而爲瀑

### 秋濤澗

在山南河子孔邊上有雪陰橋此澗匯山南諸水

合河子孔泉東折南出過拈花寺前出石臺江

### 雙水澗

在九重崖後雨水交流險峻層折

### 葫蘆澗

在大龍潭下繇龍潭下至水露庵崖石攢空卉竹  
蒙雜澗勢阻險溪路幽折

### 石鐘澗

在接待寺之左萬水奔赴樹石窅冥猿棲鳥呼行  
者感動

壑

龍吟壑

在盤陀石之右崖壁天險剖爲大壑人跡罕經

吞天壑

俗名大箐在中峰右峰之間長數十里寬四五里  
衆水奔流長風振樹實具吞天之勢卽大覺寺山

庄也

騰蛟壑

在猴子洞左幽折險峻故爲龍蛇之窟

瀑

玉龍瀑

在牟尼庵西其源自仰高峽來會華嚴諸流下奔  
而峽中有巨崖水自崖上飛流如崩濤舞雪遊人  
從解脫坡對壑而觀真有玉龍走潭之勢蓋當登  
山之始層峰冠雲殊壑擁翠而松崖蘿壁之間飛  
流激玉響各鐘磬奇秀森靈實厭衆目

栴林瀑

在玉霖軒左崖橫斜下注激湧作勢上更有東西

兩瀑尤爲佳勝自崖面臨空平鋪旁無所撓前無  
所障牽曳烟風搖蕩林影遙聯旁眺各具勝趣

軟瀑

在小華首洞西其源自八功德水流下疊書崖

東峽瀑

在魯擺靜室下猴子洞東其源自曹溪水來東從  
藏頂庵下湊泊縈旋曳霧寒烟噴嗽變幻蓋當兩  
崖翹合之中又極上嵌下削之勢所謂落銀河於  
九天控珠簾於雙闕未足形其勝槩也

蒼龍瀑

在體一橋上源自悉檀寺前大龍潭渡伏龍橋匯  
諸紐流而成曳練垂珠濺石作態

潭

大龍潭

大龍潭一名烏龍潭原名軟石香芹溪在悉檀寺  
前昔時水深林翳陰森寒棟樵採者不敢斧斤其  
旁或有犯者卽風雷驟至蓋有黑龍窟其中也自  
潭上建悉檀寺林間淵碧素流澄解靈物似亦有

歸依之意朕山中夏秋霖雨必有濃雲自此潭興  
升至山巔卽風雷交作傾瀉如注僧衆每以此爲  
占其細霖微霑卽不狀矣或云當悉檀寺未建此  
潭水湧如潮晝夜崩騰建寺時僧釋禪着衣杖錫  
作文祝之龍遂移赤石崖每夏秋之交一歸此潭  
來則風雷震盪飛沙偃木台山僧衆皆知爲龍歸  
也舊傳迦葉入定有七十二龍來護此山事雖難  
稽朕此山之龍雖多而絕無橫潦崩突之害則佛  
法無邊天龍馴伏固有朕也

外龍潭

小龍潭一名柘枝泉在悉檀寺後岡上五華庵前  
晶明一泓泥柳樵好叢葦雜映清流遠引澄泛無

際

石洞上潭

在後山華嚴洞左側一里許潭上有大椿樹二株  
大數十圍潭北有龍王廟祈禱者常見有龍作小  
蛇遊於潭中青紅五色隨時易形土人崇敬不敢  
輕褻

石洞下潭

從上潭南行二里卽下潭水出亂石下迸湧作聲  
噌吰可聽潭上雜樹交映希見曦景激湍奔流三  
十餘步又滙爲小潭清深可掬

小石洞潭

在山後嶺下小石洞中

泉

金鷄泉

金鷄泉卽眼藥水也在華首門東按李逸民遊山  
記曰金鷄泉僅一碗水日有異鳥飲之其來必雙  
至二十隻而止四時皆然鳥無增減水亦無盈涸  
有僧倚崖構閣汲此水以供香積夢神語曰此是  
金鷄泉爾不宜溷擾越日閣災

太極泉

在飛鳳嶺之右

碧雲泉

在碧雲寺左峽其水自石間出其味甘冽緇素資  
之

陰陽泉

一在雙泉嶺南一在嶺北南陽北陰嶺亦以是名也

一泓泉

在隆祚寺之左清潔香美逾於他水

清涼泉

在無住庵左側

石漏

石漏卽白雲泉在念佛堂後青壁千仞雜樹倒垂

傍突一石支崖凌虛上實下虛宛若懸鐘水自石腹中散綴而下不見泉脉飛珠噴霰如刻漏之垂注余故改題爲石漏聞萬曆間有僧白雲結廬崖畔禮誦華嚴精勤不息感石竅灌滴下注涓涓不絕其石高三尺濶如之高處中空漸上漸隘水從空頂中墜下爲方池一泓四旁皆崩崖巉石欹曲倚側乃水不溢於坎而溢於春不溢於春之外崩而溢於春之中管管中之液又不溢於旁伏而溢於中垂其靈異如此至九重崖東石縫迤瀝分級



而不列爲三派各懸注丈餘資給諸廬甚爲其列

### 天乙泉

在清涼泉右隆祥寺所引卽此水也

### 環侍泉

在圓覺庵左右兩泉並侍水脉潛通

### 濕雲泉

在會雲庵之右峽下

### 萬佛泉

在羅漢壁太華靜室內削崖危聳如剌空劈雲而

崖下剌潭廣可五尺深亦如之半入崖根半露崖外澄狀不竭始僧廣傳持誦法華如此咒鉢迦八功德水傾注坎中水僅盈勺資給未廣後太華更加開鑿遂成淵泉

### 三沸泉

在獅子林下有泉三孔湧出如沸

### 雲湧泉

水出法雲室之左瑩潔騰湧不啻白雲出洞

### 青龍泉

在華嚴寺左腋去寺里許

暗香泉

在聚仙崖之下泉上有古梅一株踈影橫斜堪入

圖畫

望臺泉

望臺有泉自嶺脊瀝石而下東會獅子林水同發  
齊瀉涓湧不息栴檀比丘引流資引多於崖端架  
木曲折橫斜度岫穿峰以代運汲

初地泉

在接待寺之左

三極泉

在山頂後岡去羅城二里許泉有三孔湧出作品  
字形上有屋三楹榜曰休歇處山頂比丘咸汲此  
水以資佛供

湧蓮泉

在放光寺前七十餘步其泉周圍多產木蓮花

木香泉

在青檀山東北峽中

女燈泉

在慧燈庵左菜圃之上水從橫石中洩出雖遇久旱而此泉盈注如常

潛龍泉

在片雲居左嶺下每天將雨則泉中雲起

飲馬泉

在撒馬場西南下山路左峽

潔泉

在沙北女僧繼周庵中

提月泉

流自猴子洞側出於削崖絕壑之間其源不可窮

也

琉璃泉

在碧雲寺路旁去觀徹靜室百餘步水從三大石

中沁出

浣石泉

在獅子林二殊比丘石彈軒之西水從大石下湧出

伽音泉

在獅子林頂相靜室左澗中危石之下

湧泉

出自獅子林支秋广傍流灌栴檀林諸修靜之士

咸資汲焉

四歌泉

在獅子林下林泉靜室左邊石孔流出及天香師所鑿

金龍泉

在蘭陀寺內佛殿後相傳昔有金龍潛伏於此

天乳泉

在幻住庵前東澗中泉水清瑩浮花泛彩故名天乳

白露泉

在蘭陀寺門首離寺一百八十步

香樟泉

在止止庵舊址

醉象泉

流自九重崖東石窟中去道本靜室三十步從一納軒流過

箭括泉

在蘇鹿崖下卽本懷禪師書華嚴經處

金剛泉

在九重崖河南大定禪師住靜處其水逆流自東至西二百步許下洩過法易禪師靜室分筧支引

大小

射鼓泉

在九重崖西從大石孔中流出去醉象泉數十步

碧紺泉

其泉自靜居林左澗流出去靜室六十步水作青碧色迥異他泉

崩雪泉

在鳴歌坪左澗中

鸚鵡泉

水出凌霄庵左澗中去庵三百步

摩羅泉

在補處庵左鳴琴溪中水從三大石中流出

石鹿泉

在補處庵前水自一大石下流出其石蹲立作勢  
有似鹿之飲川也

樹手泉

流自法明寺左澗中去寺半里許

盤龍泉

在法明寺門首水從盤龍庵故址下流出

獅尾泉

水自首傳寺右溪箬中流出下注止水靜室左澗

四論泉

自首傳寺右澗中出去寺四十步

水蓮泉

在寂光寺後麓左澗有小山突起復凹如缺水自

此中出離寺半里許

弄珠泉

從大覺寺左澗浸流相去一里分注過白花山潮

音閣

鐵骨泉

自慶雲庵後麓流出此水注瀉甚長資給廣遠緇  
素汲引前後不輟

五雲泉

從慶雲庵路旁瀉出流過龍華寺

蓮鬚泉

在龍華寺右澗中洩出

筆花泉

在西竺寺門外其池形如半月寺門內原有舊泉  
久而漸涸此卽舊泉所注也

鵝眼泉

水自淨覺庵後小澗中無節樹下流出去寺七丈  
許

雨香泉

在大乘庵左側大石下流出

青鳥泉

青鳥泉出法界庵溪邊下洩無我庵去庵一百六  
十尺

染泉

出自龍泉庵後麓流至庵左其水與土相漬染布  
作色甚宜緇流山中賴之

### 停雲泉

此水自白雲居石窟流出內外兩池方廣畧等大  
約可八九丈涓流甚湧晝夜不舍蘭若汲溉之外  
猶復下注溪潭歸納江海

### 點雪泉

自古雪齊左崖下流出西滙黑龍潭水洩爲懸瀑

### 莊嚴泉

出自悉檀寺藏經閣東去閣半里許

### 浴塔泉

浴塔泉出西顧山東嶺飛流洩雲領濤濺雪尊勝  
塔院僧體極洽无爲筒自西顧山南麓引渡文筆  
山北岡兩山對峙各處高阜中夾成溝自界而升  
下注上迸逆流不息滙而爲池畜魚資汲巧具神  
工不啻禹鑿庚子年其徒妙濟復易无以銅引入  
院內另鑿方池中構小亭池水平遠儼狀蓬島之  
勝羈遊宦子莫不留連信宿用相娛慰



菩提泉

從菩提場右澗洩出

般若泉

一名靈湫水出般若庵溪左

湧雷泉

出雷音寺前路旁相去百步許

嵐影泉

從慈雲庵後溪瀉出下注開化庵溪中多產榛栗

萬松泉

在菩提場上出古樹根下

問津泉

出白石庵卧虎洞前去洞九十步其水湧出路旁

旱澇無異

天女泉

出水香坪此處多產天女花花似玉蘭而微小其香勝之山中比丘移植庵寺春初盛開色淨香清  
堪宜佛供

天眼泉

在玄雪峰南隅去伏虎庵二里許

### 鹿野泉

在百鹿寺西嶺之麓此處爲賓鄧二州交界去大

路百步許

### 碧落泉

一名雙林泉在翔龍寺左澗兩大樹中亂石離離  
清流迸湧雙樹交映故又因以著名

### 天隱泉

在翔龍寺後山岡廻複林樹蒙翳雖人居者未能

探其源脉也

### 藥義泉

在覺林寺傍去寺半里許

### 清碧泉

在無聲吼之右從大石間流出鼻峰舍雪岸居諸  
比丘咸引之以寬負汲

### 慈雲泉

在八角庵菜圃之下

### 雲友泉

在淨雲庵門外澗中

浣衣泉

水出傳衣寺右腋

讓泉

讓泉原在開化庵內有龍居焉人不敢犯後建開化庵龍移居庵門外僧衆賴之泉之得名繇是矣

蓮子泉

在九蓮寺之右

受記泉

在華首門右與眼藥水相對古傳爲迦葉尊者授記僧處

玉井泉

在絕頂之北去羅城三里

噴珠泉

在羅城正北下山五里許有崖數丈斜掛飛泉形如噴珠

一滴泉

在龍吟壑中繇放光寺右流過

一葉泉

在放光寺葉子蓬之前

穿石泉

水出岳山洞前

廻龍泉

出廻龍岡下

浴鳳泉

在飛鳳嶺之上

潮音泉

出飛鳳嶺下其聲洶洶如海潮之奔湧

池

抱月池

在傳衣寺北坡側寺僧德華所開山勢閒曠崖影  
遙連平澗雲麓倒漾翠微周圍環以小垣不碍山  
色傍構一小室挹茲光影致堪清玩

洗硯池

在寶蓮庵內擔當把茅師徒居菴內俱好畫恒於  
此池洗硯道爰德音爲題是名

軟碧池

在大覺寺門內方池甃磚周圍九丈畜金魚數百尾荇藻交橫翠微掩映澄碧蕩漾橫橋而渡憑欄嘯詠足澄心懷

半月池

在水月庵前形如偃月

錦蓮池

在悉檀寺門外昔年蓮花盈沼花皆錦邊故名

秋月池

在白雲居門內池面方平周以青磚上橫板橋泉從其中湧出水色清映獨勝他池蘊藻鮮澄竟池涵碧俯視遊魚恍若乘空

倒影池

在白雲居門外空爭明瑩綠卉叢生鷄山嶸頂影倒此池良亦地脉相依不止波光澄潔也

焰花池

在拈花寺門內離離漾碧恍若映花

雲涌池

在雲海庵前二百步許每山中欲雨則雲從池出故庵與池皆因此得名

燈明池

在厭燈寺外

春艸池

在龍泉庵門外水色鮮澄芳卉叢映恍入謝公詩夢矣

寶華池

在華嚴寺之左青龍橋下

烟水池

在德水橋上

數息池

在息陰軒之前

天水池

在西竺寺門外此池原在本寺大門內有龍潛焉建寺後住僧祝之遂移門外坎下

塘

茨菰塘

在檀溪崖下廣可數畝有流泉湧出其中

湖

上倉湖

在鷄足山之南周迴十里中出嘉魚有丙穴之稱焉其傍產蓮花菜味甚鮮美土人珍之



